

Mandat for Læringsmiljøutvalet ved Høgskulen på Vestlandet



*Mandatet er revidert og godkjent av prorektor
for utdanning, Anne-Grethe Naustdal, sak
20/02286-8, 08.05.23
Ny revidering hausten 2024 – godkjent av
prorektor for utdanning, Anne-Grethe Naustdal,
20/02286-9, 15.1.25*

Innhold

Formål	3
Rolle og funksjon.....	4
Samarbeid.....	5
Oppnemning av medlemmer og samansetting.....	5
LMU-sekretariat og Arbeidsutval	6
Møteplan.....	7

Formål

Høgskulen på Vestlandet (vidare kalla HVL) skal sørge for at læringsmiljøet på institusjonen er forsvarlig ut fra en samlet vurdering av hensynet til studentenes helse, sikkerhet og velferd jf. UH-loven, § 10-1, «Læringsmiljøet ved universiteter og høyskoler»¹. I § 10-10 går det fram at universitet og høyskular skal ha minst eit læringsmiljøutval og at læringsmiljøutvalet skal bidra til at § 10-1 følges, og sikre at studentane kan medvirke i prosessane som gjelder læringsmiljøet.

Læringsmiljøutvalet (vidare kalla LMU) rapporterer til høgskulestyret gjennom årsrapporten til HVL. LMU er eit sentralt utval ved HVL som har ei overordna og strategisk innretting. Utvalet skal delta i planlegginga av tiltak som omhandlar læringsmiljø og fylgje med på høve som påverkar studentane sin sikkerheit og velferd.

HVL forholder seg til § 10-1 i UH-loven som beskriver de ulike områdene som inngår i det helhetlige læringsmiljøet:

- **Fysisk læringsmiljø:** omhandlar utforming og bruk av bygg og fysiske omgjevnader som skal danne grunnlag for god læringsaktivitet og læringsmiljø for alle studentar.
- **Digitalt læringsmiljø:** omhandlar bruk av teknologi i læring og undervisning. Dette kan vidare koplast mot digitale læringsressursar og informasjonsplattformer.
- **Organisatorisk læringsmiljø:** omhandlar system for tilbakemelding og medverknad. Kvalitetssystem og Sei-ifrå systemet er døme på dette.
- **Pedagogisk læringsmiljø:** omhandlar form, innhald og rammer for pedagogisk aktivitet som påverkar studentane si læring.
- **Psykososialt læringsmiljø:** omhandlar mellommenneskelege forhold. Dette har noko å seie for kjensla av tilhøyrse, trivsel og samhandling mellom studentar, og mellom studentar og tilsette.

Læringsmiljøet omfattar alle tilhøve som påverkar studentanes helse, sikkerheit og velferd ved HVL. LMU skal sørge for at HVL har eit inkluderande læringsmiljø og har eit særleg

¹ [Lov om universiteter og høyskoler \(universitets- og høyskoleloven\) - Lovdata](#)

ansvar for universell utforming og for å sikre eit best mogleg læringsmiljø for studentar med særskilte behov og funksjonsnedsettingar.

Rolle og funksjon

LMU skal observere, føre tilsyn med og vere pådrivar for at læringsmiljøet for alle studentar ved HVL blir ivaretatt på følgjande måte:

- LMU skal bli informert om pågåande prosessar ved HVL som innverkar på læringsmiljøet
- LMU er høyringsinstans for saker ved HVL som omhandlar læringsmiljøet
- LMU kan ta initiativ til innsamling av relevante data som omhandlar læringsmiljøet
- LMU kan ta initiativ til planar, utgreiingar og konferansar som bidreg til styrking av læringsmiljøet ved HVL
- LMU skal arbeide strategisk med Handlingsplan for inkluderande læringsmiljø og universell utforming ved HVL 2024-2028
- LMU skal haldest orientert om klager som institusjonen mottek frå studentar om læringsmiljøet gjennom sei-ifrå-systemet og andre varslings- og avvikskanalar ved HVL. Jf. «Retningslinjer for handtering av konflikhtar, trakassering, seksuell trakassering og mobbing mellom studentar ved Høgskulen på Vestlandet»
- LMU kan uttale seg til styret om tilhøve som kjem fram om læringsmiljøet ved institusjonen
- LMU skal informerast ved eventuelle enkeltsaker og pålegg om læringsmiljø som institusjonen får frå Arbeidstilsynet
- LMU rapporterer til høgskulestyret gjennom HVL sin årsrapport
- Fakultet, aktuelle avdelingar, Studenttinget, enkeltstudentar, enkelttilsette og Studentsamskipnaden på Vestlandet kan melde relevante saker til LMU

LMU ved HVL er eit sentralt utval, og utvalet har ei overordna og strategisk innretting for HVL sine fem campus. Vedtak i LMU må følgast opp og konkretiserast med tiltak på fakulteta, i institutta og driftseininga alt etter kva sakene gjeld.

Samarbeid

LMU og Utdanningsutvalet (videre kalla UU) skal samarbeide for å sikre best mogleg heilskapleg læringsmiljø ved HVL. Kontakten mellom LMU og UU skal avklare spørsmål om ansvar og handtering ved overlappende saker i dei to utvala. Det skal gjennomførast felles møter mellom LMU og UU minimum ein gong per år.

Arbeidsmiljøutvalet (AMU) og Rådet for likestilling, mangfold og inkludering ved HVL (RLMI) kan inngå i samarbeid med LMU i saker som har betydning for studentars læringsmiljø. Aktuelle saker vert lagt fram i utvalsmøta til LMU.

LMU skal sikre et godt samarbeid med Studenttinget og ivareta campusperspektivet i arbeidet med læringsmiljøet, i samarbeid med mellom anna studentfakultetsråd og studentcampusråd ved HVL.

Oppnemning av medlemmer og samansetting

Læringsmiljøutvalet blir oppnemnd for fire år om gongen. Studentmedlem vert oppnemnd med varamedlemmer for eitt studieår om gongen, men kan re-oppnemast. Det er rektor som oppnemnar utvalet. Det skal oppnemnast personlege varamedlemmer for tilsettmedlemmer, for studentmedlemmer oppnemnar Studenttinget like mange varamedlemmer som faste medlemmer. Sidan LMU er eit sentralt utval ved HVL, er medlemmane sin funksjon viktigare enn campustilhøyrse.

LMU skal ha like mange studentrepresentantar som tilsettrepresentantar. Utvalet skal leiast vekselvis eitt studieår om gongen av eit tilsettmedlem og av eit studentmedlem som det kjem fram av lov om universitet og høgskular (UH-lova) § 10-10. LMU ved HVL skal leiast vekselvis av Læringsmiljøansvarleg frå Studenttinget og Prorektor for utdanning.

Studentsamskipnaden på Vestlandet (Saman), fagansvarleg eining for læringsmiljø og læringsstøtte, fagansvarleg for team universell utforming og pedagogisk programvare (ALU), hovudverneombodet, biblioteket og studentombodet ved HVL har fast observatørstatus i utvalet. Utvalet kan oppnemne andre faste observatørar til utvalet og kalle inn aktuelle observatørar til enkeltsaker i møta.

LMU har ti medlemmer. Fem av disse er tilsettmedlemmer og fem er studentmedlemmer:

- Prorektor for utdanning
- To vitskapleg tilsette
- Leiar for avdeling for undervisning og læring
- Avdelingsleiar for Arealforvaltning, drift og utvikling
- Læringsmiljøansvarleg Studenttinget
- Fire valde studentar

Tilsettmedlemmer skal ha personleg vara, studentmedlemmer skal ha utnemnd vara. Studentmedlemmane vert utnemnde av Studenttinget med mål om å representere flest mogeleg campus.

LMU har vedtaksmynde i saker delegert frå styret. LMU er vedtaksføre når meir enn halvparten av medlemmane/varamedlemmane er til stade. I saker med like stemmer så har leiaren dobbel stemme.

LMU-sekretariat og Arbeidsutval

Avdeling for utdanningskvalitet er sekretariat for utvalet og førebur saker. Sekretæren skal i samråd med utvalsleiaren førebu og gi tilrådingar i saker som blir melde til utvalet, kalle inn til møte og sende sakspapir, skrive og sende ut protokoll etter møta.

LMU skal ha eit arbeidsutval (vidare kalla AU) som skal førebu saker og bidra til effektivitet i LMU-arbeidet. AU skal bestå av LMU-leiar, læringsmiljøansvarleg ved Studenttinget/prorektor for utdanning (avhengig av valt leiar, anna kvart år), LMU-sekretær, fagansvarleg eining for læringsmiljø og læringsstøtte, avdelingsleiar Avdeling for utdanningskvalitet og tilsettmedlem i LMU frå Avdeling for drift (ADU). Eit arbeidsutval arbeider for at det blir meldt inn fleire saker, at det kjem fleire innspel til sakene og at sakene blir grundigare belyste i LMU.

AU skal ha fire eller fem møte i året knytt opp mot dei aktuelle LMU-møta. Desse skal vere fire-fem veker før det enkelte LMU-møtet. LMU-sekretæren administrerer og kallar inn til møta.

LMU skal ha fire eller fem møter per studieår, der minst eitt av møta skal vere eit fysisk møte. Det fysiske møtet skal veksle på HVL sine regionar i tur og orden. Fellesmøtet med UU er eit digitalt møte.